



# Møteprotokoll

## Møre bispedømmeråd 2020-2023

---

Møtedato: 12.09.2022 kl. 10:15  
Møtestad: Møre bispedømmeråd  
Arkivsak: 19/04266

Til stades: Monika Tettli (uavhengig), Ann Kristin Sørvik (Nominasjonskomiteens liste), Frode Rabbevåg (Nominasjonskomiteens liste), Rikke Elisabeth Grevstad Kopperstad (Nominasjonskomiteens liste), Therese Utgård Aas (Åpen folkekirke), Ole Martin Grevstad (Åpen folkekirke), Olav Myklebust (Åpen folkekirke), Ingeborg Midttømme, Arne Moltubak, Arvid Helle (fung.stiftsdirektør)

Frammøtte varamedlemmer: Mildrid Fiske

Forfall: Olav Rønneberg

Andre: Tillitsvalt Anders Barstad, Margaret Mørk, NRK ved Terje Reite og Synnøve Hole(på teams) Marit Heiene(Romdals Budstikke sak 52 og 53)

Frå staben i delar av møtet Anne-Marit Hagelund, Eline Rabbevåg, Grethe Lystad Johnsen, Svein Magne Harnes, Kurt Vadset og John Erik Brakstad

Protokollfører: Elin Næsje Sætre

### SAKSLISTE

Side

#### Godkjenning av innkalling og saksliste

[46/22](#) Godkjenning av innkalling og saksliste Møre bispedømmeråd 12.09.22 2

#### Godkjenning av protokoll

[47/22](#) Protokoll Møre bispedømmeråd 2020-2023 13.06.2022 3

#### Tilsettingssaker

[48/22](#) Tilsetting av studentprest ved Høgskolen i Molde, campus Molde og Kristiansund - Unntatt etter offentlighetsloven Offl. § 25 første ledd 3

[49/22](#) Tilsetting av sokneprest i Molde domprosti med Bolsøy sokn som særleg tenestestad - Unntatt etter offentlighetsloven Offl. § 25 første ledd 4

### Saker til behandling

[50/22](#) Rekneskapsrapport pr. 30. juni 4  
[51/22](#) Møteplan 2023 - Møre bispedømmeråd 5  
[52/22](#) Høyringsvar - Forbud mot konverteringsterapi 6  
[53/22](#) Innhenting av opplysningar om samlivsform ved utlysing av proste- og prestestillingar i Møre bispedømme 10  
[54/22](#) Kyrkjemøtet 2022 - Møre bispedømmeråd sin førebuing 11

### Orienteringssaker

[55/22](#) Orienteringar til møte i Møre Bispedømmeråd 12.09.22 11

Sted, 24.10.2022

Elin Næsje Sætre  
Sekretær

### Godkjenning av innkalling og saksliste

### 46/22 Godkjenning av innkalling og saksliste Møre bispedømmeråd 12.09.22

Behandla av	Møtedato	Saknr
1 Møre bispedømmeråd 2020-2023	12.09.2022	46/22

### Forslag til vedtak

1. Bispedømmerådet godkjenner innkalling og saksliste
2. Tilsettingssaker blir handsama for lukka dører. Andre saker blir haldne for opne dører.

### Møtebehandling i Møre bispedømmeråd 2020-2023 12.09.2022:

### Møtebehandling

**Votering:** Einstemmig

### Møre bispedømmeråd 2020-2023s vedtak

1. Bispedømmerådet godkjenner innkalling og saksliste

2. Tilsettingssaker blir handsama for lukka dører. Munnlege orienteringar som er u/off. kjem etter tilsettingssakene i det lukka møtet.

Andre saker blir haldne for opne dører.

### **Godkjenning av protokoll**

#### **47/22 Protokoll Møre bispedømmeråd 2020-2023 13.06.2022**

Behandla av	Møtedato	Saknr
1 Møre bispedømmeråd 2020-2023	12.09.2022	47/22

#### **Forslag til vedtak**

Møre bispedømmeråd godkjenner protokoll frå møte 13. juni 2022.

#### **Møtebehandling i Møre bispedømmeråd 2020-2023 12.09.2022:**

#### **Møtebehandling**

**Votering:** Einstemmig

#### **Møre bispedømmeråd 2020-2023s vedtak**

Møre bispedømmeråd godkjenner protokoll frå møte 13. juni 2022.

### **Tilsettingssaker**

#### **48/22 Tilsetting av studentprest ved Høgskolen i Molde, campus Molde og Kristiansund**

*Unntatt etter offentlighetsloven Offl. § 25 første ledd*

Behandla av	Møtedato	Saknr
1 Møre bispedømmeråd 2020-2023	12.09.2022	48/22

## **Forslag til vedtak**

Det blir vist til innstilling om tilsetting, jfr tilsettingsprotokollen.

### **Møtebehandling i Møre bispedømeråd 2020-2023 12.09.2022:**

#### **Møtebehandling**

##### **Møre bispedømeråd 2020-2023s vedtak**

Møre bispedømeråd tilset på fastsette vilkår Ragnhild Annie Fuglseth som studentprest i Kristiansund og Molde.

### **49/22 Tilsetting av sokneprest i Molde domprosti med Bolsøy sokn som særleg tenestestad**

*Unntatt etter offentlighetsloven Offl. § 25 første ledd*

Behandla av	Møtedato	Saknr
1 Møre bispedømeråd 2020-2023	12.09.2022	49/22

## **Forslag til vedtak**

Det blir vist til innstilling om tilsetting, jfr tilsettingsprotokollen.

### **Møtebehandling i Møre bispedømeråd 2020-2023 12.09.2022:**

#### **Møtebehandling**

##### **Møre bispedømeråd 2020-2023s vedtak**

Møre bispedømeråd tilset Tor Martin Koppang på fastsette vilkår som sokneprest Molde domprosti med Bolsøy sokn som særskild tenestestad.

## **Saker til behandling**

### **50/22 Rekneskapsrapport pr. 30. juni**

Behandla av	Møtedato	Saknr
1 Møre bispedømeråd 2020-2023	12.09.2022	50/22

## **Forslag til vedtak**

Møre bispedømmeråd tek rekneskapsrapporten for 2. kvartal 2022 til orientering.

## **Møtebehandling i Møre bispedømmeråd 2020-2023 12.09.2022:**

### **Møtebehandling**

**Votering:** Einstemmig

## **Møre bispedømmeråd 2020-2023s vedtak**

Møre bispedømmeråd tek rekneskapsrapporten for 2. kvartal 2022 til orientering.

## **51/22 Møteplan 2023 - Møre bispedømmeråd**

Behandla av	Møtedato	Saknr
1 Møre bispedømmeråd 2020-2023	12.09.2022	51/22

## **Forslag til vedtak**

Møre bispedømmeråd vedtar slik møteplan for 2023  
6/2, 20/3, 17/4, 5/6, 3/8, 18/9, 30/10, 11/12

## **Møtebehandling i Møre bispedømmeråd 2020-2023 12.09.2022:**

### **Møtebehandling**

Forslag til nye datoar:  
Vurdering førebuande møte i Trondheim 3. aug. utover våren.  
6/2, 20/3, 14/4, 16/6, ev. teams 3/8, 18/9, 27/10, 14/12.

**Votering:** Einstemmig

## **Møre bispedømmeråd 2020-2023s vedtak**

Møre bispedømmeråd vedtar slik møteplan for 2023  
6/2, 20/3, 14/4, 16/6, ev. teams 3/8, 18/9, 27/10, 14/12.

## 52/22 Høyrings svar - Forbud mot konverteringsterapi

Behandla av	Møtedato	Saknr
1 Møre bispedømeråd 2020-2023	12.09.2022	52/22

### Forslag til vedtak

Regjeringa har lagt ut på høyring eit forslag om eit forbod mot «konverteringsterapi», og Møre bispedømeråd takkar for høvet til å gje ei uttale i dette høvet.

Møre bispedømeråd vil understreke det viktige signalet denne lova sender. Utgangspunktet for høyrings svaret er at alle menneske er skapt i Guds bilete, og har ei grunnleggande verdigheit som ikkje skal krenkast. Møre bispedømeråd gjev derfor si tilslutning til lovforslaget.

### Kyrkja sitt diakonale oppdrag

Frå kyrkja sin diakoniplan kan ein lese at all diakonal omsorg byggjer på gjensidigheit, likeverd og respekt for den andre, vidare at vi «ynskjer å byggje eit samfunn som er rettferdig og godt for alle». Der ein blir «utfordra til å vere bevisst på dei rådande maktforholda, utfordre strukturar som fremjar urett, og gi rom for dei stemmene som vanlegvis ikkje blir høyrde».

Å utsetje eit anna menneske for metodar som har til formål å endre, fornekte eller undertrykke si seksuelle orientering eller kjønnsidentitet, som er klart eigna til å påføre psykisk skade vil vere ei krenking av den enkelte, og i strid med kyrkja sitt diakonale oppdrag.

### Om religionsfridomen

Høyringsnotatet gjev ei fylldig vurdering av retten til religionsfridom, forstått som retten til å vedkjenne seg til, ikkje vedkjenne seg til eller bytte religion. Samt retten til å utøve sin religion, åleine eller i eit samfunn med andre truande, til å meddele og forkynne si religiøse tru til andre og til å følgje religiøse prinsipp. Møre bispedømeråd er glade for at regjeringa tek religionsfridomen på alvor. Vi meiner at i eit livssynsøpe samfunn vil det vere ein verdi å verne om religionsfridomen, både som eit individuelt standpunkt og i kollektivet, då dette kan bidra til gjensidig respekt på tvers av ulike grupperingar i samfunnet.

Samstundes kan retten til religionsfridom ikkje nyttast til å forsvare handlingar som påfører enkeltpersonar eller grupper psykisk skade. Kjennskapen til at 36 prosent av skeive har hatt symptom på psykiske plager i ei gitt periode på 14 dagar, samanlikna med 18 prosent av befolkninga i alt (SSBs livskvalitetsundersøkelse frå 2020, s.18 i Høyringsnotatet), er berre eitt eksempel på at det framleis er ein veg å gå i å sikre likeverdige levekår og livskvalitet for alle. Møre bispedømeråd vurderer at eit forbod mot konverteringsterapi vil beskytte enkeltmenneske mot ein skadeleg praksis, samt beskytte skeive som gruppe mot sosialt og religiøst press, motverke stigmatisering, skam og sjølvforakt.

### **Om sjelesorga sitt rom**

Det er avgjerande for oss at alle menneske skal kjenne seg trygge på at dei kan oppsøke kyrkja si sjelesorgteneste, som eit rom der både tankar, kjensler, ånd og kropp vil ha plass. Omsorga mellom sjelesørgjar og konfident skjer gjennom lytting og samtale. Dette er eit lukka rom, der det ikkje vert ført journal, og der det er tilsynet sitt ansvar å gripe inn om overtramp skjer. Vi ser at i den grad sjelesørgjer stiller med ein eigen agenda om å få konfidenten til å endre, fornekte eller undertrykke si seksuelle orientering eller kjønnsidentitet, så vil dette verte ramma av forbodet.

Det som derimot ikkje vil vere ramma av forbodet, er samtaler med menneske om vanskar med seksuell orientering eller kjønnsidentitet (s.99 i Høyringsnotatet). Kyrkja har erfaring med at menneske som er usikker på eiga legning eller kjønnsidentitet kan sjå dette som ei livskrise. Det er viktig at konsekvensen av lova ikkje vert at prestar, diakonar og andre som utøver sjelesorg unngår å ynskje personar som opplever å ha problem med si seksuelle orientering eller kjønnsidentitet velkommen inn i samtalerommet, då dette er ein sentral del av medvandrarsvaret som nestekjærleiksbodet utfordrar til.

### **Om trusopplæring og barns oppveksttilhøve**

Gjennom kyrkja si trusopplæring ynskjer vi å bidra til at alle barn kjenner seg sett og elska som den dei er, utan at dei treng å endre seg eller bli endra for å vere bra nok. Vi ser det som ei viktig utfordring for kyrkja å skape trygge rom for alle barn. Dette finn vi tydeleg omtalt i kyrkja sin trusopplæringsplan der prinsippet om barnets beste, ligg til grunn både som pedagogisk og rettsleg prinsipp.

Gjennom Kirkenes verdensråd har det vore arbeid med barnrettigheter gjennom satsinga «Kirkens ansvar for barns rettigheter», her har barn og teologar identifisert tre satsingsområder, å lytte til barn, beskytte barn og ta vare på det enkelte barn.

### **Om lova si utforming**

Møre bispedømmeråd støttar lova slik den er utforma, men stiller spørsmål ved overskrifta, som framleis lyder «konverteringsterapi». Møre bispedømmeråd utfordrar til å søkje å finne ei anna nemning, då dette kan lede til å tenke at forbodet framleis kun gjeld terapiliknande metodar, eventuelt at ein gjennom ein slik type «terapi» kan bidra til å hjelpe nokon.

## **Møtebehandling i Møre bispedømmeråd 2020-2023 12.09.2022:**

### **Møtebehandling**

Rikke Kopperstad fremja nytt forslag til vedtak mht konverteringsterapi: «Møre Bispedømmeråd avviser forslaget om lov mot konverteringsterapi. Det er ikke gjort funn som gir grunnlag for et så alvorlig og omfattende lovforslag. Konsekvensanalyse av lovforslaget mangler. Ingen skal påtvinges endring i følelser, seksualitet eller valg av livsstil. Men de som selv ønsker å samtale med en veileder om evt uønskede seksuelle følelser, må naturligvis i et fritt og demokratisk samfunn kunne gjøre dette uten fare for at aktuell veileder å bli straffeforfulgt. Når barn, unge

eller voksne av ulike årsaker strever med følelsene rundt eget biologisk kjønn, vil samtaler om årsaker til forvirringen være til stor nytte for noen. Det er svært alvorlig at lovforslaget innebærer fengselsstraff som tilsvarer uaktsomt drap, om de det gjelder får hjelp til å godta medfødt kjønn.»

Olav Myklebust fremja forslag om å endre administrasjonen sitt forslag til vedtak:

- Endre avsnitt 2 under kyrkja sitt diakonale oppdrag slik: «Å utsetje eit anna menneske for marknadsføring og metodar.....»

Therese Utgård fremja forslag om å endre administrasjonen sitt forslag til vedtak

- Ta vekk avsnittet «**om lova si utforming**» i si heilheit.

Administrasjonen sitt forslag til vedtak vart endra i samsvar med forslaga frå Myklebust og Utgård.

## **Votering**

Nytt forslag til vedtak 2 stemmer

Administrasjonen sitt vedtak med endringar : 8 stemmer

## **Møre bispedømeråd 2020-2023s vedtak**

Regjeringa har lagt ut på høyring eit forslag om eit forbod mot «konverteringsterapi», og Møre bispedømeråd takkar for høvet til å gje ei uttale i dette høvet.

Møre bispedømeråd vil understreke det viktige signalet denne lova sender.

Utgangspunktet for høyringssvaret er at alle menneske er skapt i Guds bilete, og har ei grunnleggande verdigheit som ikkje skal krenkast. Møre bispedømeråd gjev derfor si tilslutning til lovforslaget.

## **Kyrkja sitt diakonale oppdrag**

Frå kyrkja sin diakoniplan kan ein lese at all diakonal omsorg byggjer på gjensidigheit, likeverd og respekt for den andre, vidare at vi «ynskjer å byggje eit samfunn som er rettferdig og godt for alle». Der ein blir «utfordra til å vere bevisst på dei rådande maktforholda, utfordre strukturar som fremjar urett, og gi rom for dei stemmene som vanlegvis ikkje blir høyrde».

Å utsetje eit anna menneske for marknadsføring og metodar som har til formål å endre, fornekte eller undertrykke si seksuelle orientering eller kjønnsidentitet, som er klart eigna til å påføre psykisk skade vil vere ei krenking av den enkelte, og i strid med kyrkja sitt diakonale oppdrag.

## **Om religionsfridomen**

Høyringsnotatet gjev ei fyldig vurdering av retten til religionsfridom, forstått som retten til å vedkjenne seg til, ikkje vedkjenne seg til eller bytte religion. Samt retten til å utøve sin religion, åleine eller i eit samfunn med andre truande, til å meddele og forkynne si religiøse tru til andre og til å følgje religiøse prinsipp. Møre bispedømeråd



er glade for at regjeringa tek religionsfridomen på alvor. Vi meiner at i eit livssynsøpe samfunn vil det vere ein verdi å verne om religionsfridomen, både som eit individuelt standpunkt og i kollektivet, då dette kan bidra til gjensidig respekt på tvers av ulike grupperingar i samfunnet.

Samstundes kan retten til religionsfridom ikkje nyttast til å forsvare handlingar som påfører enkeltpersonar eller grupper psykisk skade. Kjennskapen til at 36 prosent av skeive har hatt symptom på psykiske plager i ei gitt periode på 14 dagar, samanlikna med 18 prosent av befolkninga i alt (SSBs livskvalitetsundersøkelse frå 2020, s.18 i Høyringsnotatet), er berre eitt eksempel på at det framleis er ein veg å gå i å sikre likeverdige levekår og livskvalitet for alle. Møre bispedømeråd vurderer at eit forbod mot konverteringsterapi vil beskytte enkeltmenneske mot ein skadeleg praksis, samt beskytte skeive som gruppe mot sosialt og religiøst press, motverke stigmatisering, skam og sjølvforakt.

### **Om sjelesorga sitt rom**

Det er avgjerande for oss at alle menneske skal kjenne seg trygge på at dei kan oppsøke kyrkja si sjelesorgteneste, som eit rom der både tankar, kjensler, ånd og kropp vil ha plass. Omsorga mellom sjelesørgjar og konfident skjer gjennom lytting og samtale. Dette er eit lukka rom, der det ikkje vert ført journal, og der det er tilsynet sitt ansvar å gripe inn om overtramp skjer. Vi ser at i den grad sjelesørgjer stiller med ein eigen agenda om å få konfidenten til å endre, fornekte eller undertrykke si seksuelle orientering eller kjønnsidentitet, så vil dette verte ramma av forbodet.

Det som derimot ikkje vil vere ramma av forbodet, er samtaler med menneske om vanskar med seksuell orientering eller kjønnsidentitet (s.99 i Høyringsnotatet). Kyrkja har erfaring med at menneske som er usikker på eiga legning eller kjønnsidentitet kan sjå dette som ei livskrise. Det er viktig at konsekvensen av lova ikkje vert at prestar, diakonar og andre som utøver sjelesorg unngår å ynskje personar som opplever å ha problem med si seksuelle orientering eller kjønnsidentitet velkommen inn i samtalerommet, då dette er ein sentral del av medvandraransvaret som nestekjærleiksbodet utfordrar til.

### **Om trusopplæring og barns oppveksttilhøve**

Gjennom kyrkja si trusopplæring ynskjer vi å bidra til at alle barn kjenner seg sett og elska som den dei er, utan at dei treng å endre seg eller bli endra for å vere bra nok. Vi ser det som ei viktig utfordring for kyrkja å skape trygge rom for alle barn. Dette finn vi tydeleg omtalt i kyrkja sin trusopplæringsplan der prinsippet om barnets beste, ligg til grunn både som pedagogisk og rettsleg prinsipp.

Gjennom Kirkenes verdensråd har det vore arbeid med barnerettigheter gjennom satsinga «Kirkens ansvar for barns rettigheter», her har barn og teologar identifisert tre satsingsområder, å lytte til barn, beskytte barn og ta vare på det enkelte barn.

## **53/22 Innhenting av opplysningar om samlivsform ved utlysning av proste- og prestestillingar i Møre bispedømme**

Behandla av	Møtedato	Saknr
1 Møre bispedømmeråd 2020-2023	12.09.2022	53/22

### **Forslag til vedtak**

Møre bispedømmeråd har i sine utlysningstekster over tid informert om at opplysningar om samlivsform kan bli innhenta og vektlagt ved tilsetting, jf. Likestillings- og diskrimineringslova §30. Heimelen til å innhente opplysningar om samlivsform er i liten grad vore praktisert. I tillegg er det gjort klart at omgrepet samlivsform i Likestillings og diskrimineringslova er knytt til LHBT+ og ikkje til spørsmålet om ein er gift/sambuar. Om ein er gift/sambuar er det høve til å spørre om utan at det går fram av utlysningstekst. Møre bispedømmeråd vil difor endre utlysningstekst i tråd med praksis og intensjon. Formulering i utlysningstekster om samlivsform vil for framtida bli tatt bort.

### **Møtebehandling i Møre bispedømmeråd 2020-2023 12.09.2022:**

#### **Møtebehandling**

Rikke Kopperstad fremja nytt forslag til vedtak:

«Møre Bispedømmeråd vil fortsatt benytte seg av utlysningstekst i stillingsannonser der samlivsform kan etterspørres og vektlegges.»

Arne Moltubak fremja nytt forslag til vedtak ved å endre administrasjonen sitt forslag: «Møre bispedømmeråd har i sine utlysningstekstar over tid informert om at opplysningar om samlivsform kan bli innhenta og vektlagt ved tilsetting, jfr Likestillings- og diskrimineringslova §30. Formulering i utlysningstekst om samlivsform vil for framtida bli tatt bort.»

Administrasjonen trekker sitt forslag til vedtak, og endrar det til forslag fremja frå Arne Moltubak.

#### **Votering**

Rikke Kopperstad sitt vedtak fekk to stemmer og administrasjonen sitt endra vedtak fekk åtte stemmer.

### **Møre bispedømmeråd 2020-2023s vedtak**

Møre bispedømmeråd har i sine utlysningstekstar over tid informert om at opplysningar om samlivsform kan bli innhenta og vektlagt ved tilsetting, jfr Likestillings- og diskrimineringslova §30. Formulering i utlysningstekstar om samlivsform vil for framtida bli tatt bort.

## 54/22 Kyrkjemøtet 2022 - Møre bispedømmeråd sin førebuing

Behandla av	Møtedato	Saknr
1 Møre bispedømmeråd 2020-2023	12.09.2022	54/22

### Forslag til vedtak

Kyrkjemøtet sine saker og førebuing av desse blir tatt til vitande

### Møtebehandling i Møre bispedømmeråd 2020-2023 12.09.2022:

#### Møtebehandling

**Votering:** Einstemmig

### Møre bispedømmeråd 2020-2023s vedtak

Kyrkjemøtet sine saker og førebuing av desse blir tatt til vitande

## Orienteringssaker

## 55/22 Orienteringar til møte i Møre Bispedømmeråd 12.09.22

Behandla av	Møtedato	Saknr
1 Møre bispedømmeråd 2020-2023	12.09.2022	55/22

[Click here to enter text.](#)

### Møtebehandling i Møre bispedømmeråd 2020-2023 12.09.2022:

#### Møtebehandling

Skriftlege orienteringar:

1. Prestekonvent 2022  
4.-6.oktober er det prestekonvent for alle bispedømmerådets tilsette. Dette året er også bispedømmekontorets tilsette godt representert, og ser dette som ein viktig arena for å knyte kontakt med bispedømets prestar. Tema for konventet er Prest – der livet vert levd. Vona er at dette vert ei god samling både for fagleg påfyll, rekreasjon og fellesskap.
2. Gjester frå Ungarn  
I høve prestekonventet får vi besøk av ei gruppe prestar frå vårt venskapsbispedøme i Ungarn. Biskop Tamas kjem saman med sin teologiske

rådgjevar, leiar av bispedømerådet og sju prestar. Etter konventet blir gruppa delt i to, nokon reiser til Volda, nokon blir i Molde. Her vert det lagt opp eit program der dei både får vere litt turistar, samt sjå noko av det arbeidet vi driv.

3. Nye pilotar «helhetlig menighetsplan» – full utrulling 2023  
Vi er i prosess med å rekruttere nye pilotkyrkjelydar for å prøve ut planverktøyet «Helhetlig menighetsplan». Kwart bispedøme kan melde inn ti kyrkjelydar.
4. Digitale fagmøte undervisningstilsette  
Denne hausten vert det gjennomført tre digitale fagmøte for undervisningstilsette i bispedømet, som på ulike måtar handlar om å møte menneske i krevjande livssituasjonar.
5. Seminar 21. september på Knutdzonlunden på Frei  
Tema Pilegrimsspor i kunst og kultur. Seminaret er eit samarbeid med Festspillene i Kristiansund.  
[Seminar: Pilegrimsspor i kunst og kultur - Festspillene i Kristiansund \(festspillksu.no\)](http://festspillksu.no)
6. Fagsamling i Trondheim for kyrkjemusikarar 5. og 6. oktober. Fagsamlinga er felles for kyrkjemusikarane i Møre og Nidaros, og blir arrangert av kyrkjemusikalsk utval i dei to bispedøma i samarbeid med kyrkjemusikkutdanninga ved NTNU.
7. **For første gong inviterer/kallar Møre bispedømme inn til prostidag!**
  - 18. okt. i Surnadal for prostia på Nordmøre
  - 20. okt. for Romsdalsprostia i menighetssenteret i Bolsøy
  - 26 okt. på Sunnmøre folkehøgskule for Søre Sunnmøre prosti
  - 27. okt. i Sykkylven kyrkje for Nordre Sunnmøre prosti

Under står programskisse for dagane. Samlingane blir gjennomført etter kyrkjemøtet, og repr. frå bispedømmeråd blir invitert til å dele frå eigne opplevingar på kyrkjemøtet under programbolken som omhandlar «Kyrkja som organisasjon»

Tid	kva
09.00 – 09.15	<b>Kyrkja som fellesskap</b> Opning
09.15 – 09.45	Registrering, kaffe/ te, frukt
09.45 – 09.55	Velkommen
09.55 – 10.10	Intro - Dnk's visjon og strategi
10.10 – 10.15	<b>Kyrkja for den enkelte</b> Plenum
10.15 – 10.35	Stabsvise gruppearbeid - Korleis forkynner vi evangeliet i vår kyrkjelyd?
10.35 – 10.45	Pause
10.45 – 11.05	Presentasjon av gruppearbeid - "Kva får vi til hos oss?"
11.05 – 11.30	Informasjon
11.30 – 12.30	Lunch
12.30 – 13.30	<b>Kyrkja i samfunnet</b>
12.30 – 12.35	Kva ser vi i media? - Ulike måtar å kommunisere med sivilsamfunnet - Korleis ser andre oss?
12.35 – 13.00	<b>«Top secret»?</b>  Kommunikasjonstips - Mediekontakt – kordan fremje saker i media? - Kommunikasjonstips - "Skjer i kirken"
13.00 – 13.30	Stabvise gruppearbeid - Kva er vi gode på? - Kva kan vi bli betre til?
13.30 – 13.50	Pause
13.50 – 15.00	<b>Kyrkja som organisasjon</b>
13.50 – 13.55	Intro
13.55 – 14.30	<b>Konstruktiv refleksjon om veien vidare etter kyrkjemøtet</b> Stemningsrapport
14.30 – 15.00	<b>«Two be one»</b> Samtale rundt borda - Kva betyr dette for oss?
15.00 – 15.30	Oppsummering i plenum

Munnlege orienteringar:

Frå biskopen:

1. Ingeborg Midttømme er valt inn i eksekutivkomiteen til Kirkenes Verdensråd.
2. Orientering om Prest under utdanning utvikla til ein master. Møre har 7stykker.

Andre orienteringar:

1. Kirkens bymisjon held på med ny organisering. Møre har godt lokalt arbeid.

### **Møre bispedømeråd 2020-2023s vedtak**

Møre bispedømeråd tek orienteringane til vitande